



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

5 APRIL 2022 (SELASA)



KEMENTERIAN PERDAGANGAN DALAM NEGERI
DAN HAL EHRAL PENGGUNA

KERATAN AKHBAR DAN MEDIA ONLINE (KPDNHEP)

5 APRIL 2022 (SELASA)

Tiada garis panduan kawal harga makanan siap dimasak

Putrajaya: Datuk Seri Ismail Sabri Yaakob berkata, buat masa ini belum ada garis panduan untuk mengawal harga makanan yang sudah dimasak, tetapi mahu pengguna tidak 'ditekan' dari segi harga.

Perdana Menteri berkata, agak sukar mengawal harga makanan yang sudah dimasak berbanding dengan harga barangan mentah yang dikawal kerajaan.

"Buat masa ini, kita belum ada garis panduan (bagi makanan yang sudah dimasak), tetapi kita serahkan perkara ini kepada KPDNHEP (Kementerian Perdagangan Dalam Negeri dan Hal Ehwal Pengguna).

"(Harga) ayam jika di pasar kita boleh kawal, namun jika sudah dimasak dan (peniaga) kata itu resepi lapan keturunan atau datuk dan neneknya, itu sebab harganya mahal jadi sukar kita kawal harga barang bermasak.

"Seperti yang Datuk Alex (Menteri KPDNHEP, Datuk Alexander Nanta Linggi) cakap semalam, jika pihaknya lihat harga diletakkan terlalu tinggi atau melampau, mungkin kementerian akan menasihatkan mereka atau ambil tindakan.

"Ini di bawah bidang kuasa KPDNHEP, yang penting adalah pengguna tidak ditekan daripada segi harga," katanya kepada pemberita selepas membuat tinjauan di Bazar Ramadan Putrajaya Presint 3, semalam.

Ismail Sabri tiba di bazar berkenaan kira-kira jam 5 petang tadi dan menghabiskan masa kira-kira satu jam dan membeli pelbagai makanan.

"Mulai 1 April lalu, kita sudah tidak wajibkan dari segi penjarakan fizikal, bagaimanapun kita masih perlu membuat kawalan sendiri bagi mengurangkan jangkitan COVID-19," katanya.

Harga makanan sudah dimasak sukar dikawal - PM

FOTO: BERPAMA



Ismail Sabri (kanan) beramah mesra dengan para peniaga semasa melakukan tinjauan di Bazar Ramadan Putrajaya 2022 Presint 3 pada Isnin.

PUTRAJAYA - Kerajaan mengakui agak sukar untuk mengawal harga makanan yang telah dimasak berbanding barangan mentah.

Perdana Menteri, Datuk Seri Ismail Sabri Yaakob berkata, ia berikutan tiada garis panduan berhubung perkara itu setakat ini.

"Kita serahkan kepada Kementerian Perdagangan Dalam Negeri dan Hal Ehwal Pengguna (KPDNHEP).

"KPDNHEP akan mengambil tindakan tegas terhadap peniaga yang menaikkan harga melampau.

"Sebagaimana disebut oleh Menteri KPDNHEP, Datuk Seri Alexander Nanta Linggi bahawa peniaga boleh dikenakan tindakan mengikut bidang kuasa kementerian itu dan paling penting pengguna tidak ditekan," katanya selepas meninjau operasi Bazar Ramadan Putrajaya 2022 Presint 3 di sini pada Isnin.

Sementara itu, ditanya mengenai sambutan pengunjung terhadap bazar Ramadan, Ismail berkata, peniaga yang ditemuinya menyatakan ia sangat menggalakkan.

"Kalau kita lihat banyak gerai sudah kosong. Saya beli martabak pun sudah habis dan nampaknya jualan sangat bagus. Kita harap cuaca begini berterusan," katanya.

Menyentuh mengenai pemuatan prosedur operasi standard (SOP), Ismail Sabri berkata, kesemua pengunjung memakai pelitup muka.

"Penjarakan fizikal sudah tidak diwajibkan pada 1 April namun kita masih perlu membuat kawalan sendiri bagi mengurangkan jangkitan Covid-19.

"Kalau terlalu sesak, elakkan kawasan tersebut dan ibu bapa yang membawa anak kecil juga harus bertanggungjawab terhadap kesihatan anak mereka," katanya.

Pekerja stesen minyak sukar pantau taktik warga Singapura pada waktu puncak

Guna kad kredit, debit elak dikesan

Oleh MOHD. SHARKAWI LONDING

JOHOR BAHRU - Warga Singapura yang 'menikmati' hak rakyat negara ini dikesan menggunakan kad kredit atau debit ketika pembayaran untuk mengisi minyak khususnya petrol RON95.

Kemudahan teknologi itu digunakan sebaik mungkin kerana tindakan itu sukar dikesan selain mereka mengambil kesempatan pada waktu puncak terutamanya semasa pelanggan ramai.


Menurut seorang pekerja warga asing di sebuah stesen minyak di Johor Bahru yang mahu dikenali sebagai Mohamad, 34, berkata, kebanyakan warga Singapura yang mengambil kesempatan akan membuat pembayaran di pam minyak.

"Mereka menggunakan kad kredit atau debit ketika membuat bayaran di pam, mereka bijak memilih waktu puncak terutamanya ketika ramai pelanggan beratur di stesen-stesen minyak."

"Biasanya keadaan ini berlaku pada hujung minggu dan cuti umum. Selain itu, ada juga mereka guna pam minyak yang terselindung daripada pandangan pekerja kaunter," katanya ketika ditemui di sini semalam.

Sementara itu, seorang lagi pekerja yang mahu dikenali Alam Shah, 28, berkata, ada sesetengah warga Singapura bertindak ala samseng apabila pihak stesen minyak menegur perbuatan mereka.

Jelasnya, pekerja di pam minyak dimarahi dan dimaki jika



NOTIS amaran yang ditampal di sebuah stesen minyak di Johor Bahru tidak diendahkan oleh warga Singapura.

SEORANG lelaki sedang mengisi minyak petrol RON95 bersubsidi ke dalam kenderaan bernombor pendaftaran asing baru-baru ini.

pekerja memberitahu RON95 tidak boleh dijual kepada warga asing.

"Kita pekerja sentiasa mendapati arahan daripada penyelia supaya tidak jual minyak RON95 kepada warga asing, tetapi bila kita kesian, mereka pula marah kita."

"Jadi pekerja terpaksa mendiamkan diri daripada berlaku perkara-perkara tidak diingini seperti kena pukul, bergaduh mulut dan sebagainya," katanya.

Dalam pada itu, Ahli Jawatankuasa (AJK) Persatuan Hak



KERATAN Kosmo! semalam.

Biasanya keadaan ini berlaku pada hujung minggu dan cuti umum. Selain itu, ada juga mereka guna pam minyak yang terselindung daripada pandangan pekerja kaunter.

MOHAMAD

Pengguna Bumiputera negeri Johor, Amin Samad berkata, pemilik atau pengusaha stesen minyak disarankan agar sentiasa memberi pendedahan kepada pekerja mereka berhubung isu ini.

Ujarnya, pekerja di kaunter khususnya, boleh bertindak segera dengan memberhentikan proses mengisi minyak jika dikesan terdapat warga Singapura melakukan perbuatan tersebut.

"Jika mereka dapat kesan, pekerja boleh melaporkan kepada pihak pengurusan agar tidak berlaku isu penyelewengan hak keistimewaan rakyat negara ini," katanya.

KPDNHEP pantau stesen minyak berhampiran sempadan

JOHOR BAHRU – Kementerian Perdagangan Dalam Negeri dan Hal Ehwal Pengguna (KPDNHEP) Johor akan membuat pemeriksaan dan pemantauan secara berterusan ke atas stesen-stesen minyak khususnya yang berhampiran dengan sempadan antara-bangsa Malaysia-Singapura.

Pengarahnya, Mohd. Hairul Anuar Bohro berkata, pemantauan itu bagi memastikan tiada kenderaan berpendaftaran asing membuat pengisian minyak RON95 ekoran pembukaan semula sempadan berkenaan pada 1 April lalu.

Ujar beliau, pihaknya maklum akan kejadian yang tular kelmarin dan mengambil langkah segera.

"KPDNHEP Johor maklum isu tular melibatkan kenderaan pendaftaran asing membuat pengisian minyak RON95 yang disiarkan beberapa akhbar serta media sosial, baru-baru ini.

"Hasil pemantauan dan pemeriksaan serta melalui rondaan stesen ke stesen oleh anggota penguat kuasa mendapati tiada aktiviti seperti yang diadukan dan penjualan berlaku dalam tahap yang memuaskan," katanya dalam kenyataan semalam.

Tambah beliau, kesemua stesen yang diperiksa diberi peringatan agar mematuhi undang-undang berkaitan Akta Kawalan Bekalan (AKB) 1961 yang antaranya turut melibatkan kenderaan pendaftaran asing.

"Mereka dilarang membeli petrol RON95, dibenarkan membeli diesel sekali dalam sehari yang dihadkan kepada 20 liter sahaja di mana-mana stesen minyak dalam jarak 25 kilometer dari pintu sempadan Malaysia-Singapura dan dibenarkan membeli petrol RON97 tanpa had dengan syarat dimasukkan terus ke tangki kenderaan," ujarnya.

Sementara itu, Hairul Anuar

turut mengingatkan peniaga di Johor agar mematuhi undang-undang perniagaan yang ditetapkan dan tidak mengambil kesempatan semasa pembukaan sempadan ini.

"Seramai 200 anggota penguat kuasa KPDNHEP Johor akan sentiasa memantau dan memeriksa bagi memastikan tiada ketirisan berlaku melibatkan barang kawalan terutamanya petrol dan diesel khususnya di negeri Johor.

"Tindakan tegas akan diambil sekiranya peniaga didapati melakukan kesalahan yang telah ditegah," ujarnya.

Beberapa hari lalu, tular di media sosial beberapa gambar menunjukkan kenderaan bernombor pendaftaran Singapura mengisi minyak jenis RON95 sedangkan minyak jenis itu merupakan barang kawalan dan dikhususkan kepada warganegara Malaysia sahaja.



PEGAWAI penguat kuasa KPDNHEP Johor semasa membuat pemantauan di sebuah stesen minyak di Johor Bharu.

SALE OF SUBSIDISED FUEL TO FOREIGN VEHICLE OWNERS

Petrol dealers body urges govt to penalise purchasers

KUALA LUMPUR: The government should consider penalising owners of foreign-registered vehicles filling up their tanks with the subsidised RON95 petrol, said the Petrol Dealers Association of Malaysia (PDAM).

Its president, Datuk Khairul Annuar Abdul Aziz, said petrol station operators already adopted strict measures to ensure that RON95 petrol was not sold to foreigners.

However, he lamented that there were times when such

transactions occurred due to limitations, such as lack of staff monitoring foreign-registered vehicles at the premises and being a self-service industry.

The government, he said, should not just have their eyes on issuing fines to petrol station operators in an effort to curb such sales, but also assist in initiating action against the offenders.

"Why is the emphasis on us? Why not take action against those who flout the ruling and take advantage of it? There is photo ev-

idence with the registration plate.

"When we notice such sales, we can stop the transaction immediately. But if there is no penalty, they will continue to do so. When there is a penalty, it will serve as a deterrent.

"There should be standard operating procedures on how we go about it, from discovering the offence and evidence submission to how we get them fined. There must be a process in place," he told the *New Straits Times*.

Khairul was commenting on pictures of foreign-registered vehicles filling their tanks with subsidised RON95 petrol in Johor Baru after Malaysia reopened its land borders on April 1.

Domestic Trade and Consumer Affairs Minister Datuk Seri Alexander Nanta Linggi said petrol station operators found selling subsidised petrol to foreign-registered vehicles would face stern action and risk being

fined up to RM2 million.

PDAM, added Khairul, was open to discussing with the ministry, industry players, fuel companies and associations on ways to tighten the system and address its limitations.



Datuk Khairul Annuar Abdul Aziz

This, he said, was vital to prevent more financial losses as the subsidised RON95 petrol for Malaysians involved government money.

RON95 petrol is now priced at RM2.05 a litre until April 6.

Foreign-registered vehicles are only allowed to pump the non-subsidised RON97 petrol, which is priced at RM3.91 per litre until April 6.

The ruling to ban the sale of RON95 petrol to foreign-registered vehicles began in August 2010 and was announced by then domestic trade and consumer affairs minister Datuk Seri Ismail Sabri Yaakob, who is now prime minister.

Back then, Ismail Sabri said the new ruling was much easier to

supervise instead of the previous 20-litre petrol cap on each vehicle and motorists could fill as much RON97 petrol they wanted.

He also said petrol station operators could have their permits revoked if they were caught selling the RON95 petrol to foreign-registered vehicles.

Separately, Khairul added that measures to stop such sales should be done collectively as Malaysians, too, can be the eyes and ears of the authorities and petrol station operators.

There would be no need to confront the offender directly, he said, adding that complaints could be reported to the cashier, who could immediately halt the transaction.

"If we were to have one staff member outside, it would not be easy to be on the lookout.

"People trying to take advantage would also be watching out for staff. When there are none, they would jump at the opportunity.

"There has to be a concerted effort and everybody needs to work together. (The ministry should) Not just come and penalise us RM1 or RM2 million."

Premis menjual barang tiruan berjenama diserbu

Warga Pakistan, Bangladesh disyaki dalang produk bernilai lebih RM850,000

Oleh Nurul Hidayah Bahaudin
bhnews@bh.com.my

Kuala Lumpur: Ketika orang ramai mulai giat membuat persiapan menjelang Aidilfitri, satu sindiket didalangi warga Bangladesh dan Pakistan cuba mengambil kesempatan menjual barang tiruan berjenama bagi mengaut keuntungan.

Bagaimanapun, kegiatan sindiket berkenaan tidak lama selepas sepasukan penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) Kuala Lumpur

bersama wakil pemilik cap dagangan membuat serbuan ke atas empat premis di sekitar ibu negara pada 29 Mac lalu.

Pengarah KPDNHEP Kuala Lumpur Ariffin Samsudin berkata, tiga premis yang diserbu adalah pemborong yang beroperasi di kompleks pemborong terkemuka Jalan Kenanga, manakala satu lagi premis adalah gudang di Taman Kencana di sini.

"Hasil serbuan dilakukan di empat premis berkenaan, kami berjaya merampas dan menyita sebanyak 22,207 barangan disyaki tiruan terdiri daripada pakaian dan kasut berjenama.

"Barang yang dirampas bernilai lebih RM850,000, manakala semua suspek termasuk dalang melarikan diri meninggalkan premis ketika serbuan," katanya pada sidang media Operasi Barang Tiruan di Stor Eksibit KPDNHEP Kuala Lumpur di Segambut, di sini, semalam.

Ariffin berkata, siasatan awal mendapati tiga premis pembo-



Ariffin menunjukkan antara barang tiruan berjenama yang dirampas pada sidang media di Kuala Lumpur, semalam. (Foto ihsan KPDNHEP)

rong terbabit turut menjual barangan tiruan dalam talian di seluruh negara.

"Kami percaya semua barangan tiruan itu diimport dari ne-

gara Asia Selatan sebelum disimpan di gudang berkenaan sebelum diedar kepada pemborong dan peruncit untuk pasaran di ibu negara.



STATELY VISITOR ... Former prime minister Tun Dr Mahathir Mohamad chatting with traders and residents during a tour of a Ramadan bazaar in Putrajaya yesterday. – **ADIB RAWI YAHYA/THESUN**



Enough essential goods in Penang

GEORGE TOWN: The Domestic Trade and Consumer Affairs Ministry in Penang has given an assurance that there was sufficient supply of essential goods in the state for Ramadan.

Its director Mohd Ridzuan AB Ghapar said this was based on the operations and monitoring carried out under the statewide "Ops Pantau 2022" on Sunday.

"A total of 109 premises were inspected involving Ramadan and Hari Raya bazaars, public, wet and morning markets, grocery shops and we also monitored sales conducted online.

"The operators were found to be complying with the law and the operation was also carried out to ensure that there was an adequate supply of goods for Ramadan and

Eid," he said in a statement yesterday.

Mohd Ridzuan said checks were also conducted to see whether traders complied with price-tag requirements to ensure that they do not increase prices arbitrarily.

He said stern action will be taken against those who try to take advantage by increasing prices or hoarding goods, especially controlled items during Ramadan and Syawal. – Bernama

Konco sindiket seleweng diesel ditahan

Klang: Menghendap di stesen minyak bagi mengesan aktiviti penyelewengan diesel subsidi oleh sindiket menggunakan lori tangki.

Itu antara usaha penguatkuasa Kementerian Perdagangan Dalam Negeri dan Hal Ehwal Pengguna (KPDNHEP) Selangor sebelum memberkas seorang konco sindiket itu di sebuah stesen di Jalan Pandamaran di sini, Khamis lalu.

Suspek lelaki terbabit terlebih dahulu dikesan menggunakan lori tangki untuk memasukkan diesel subsidi dibeli di stesen minyak berkenaan sekitar jam 11 pagi.

Pengarah KPDNHEP Selangor, Muhamad Zikril Azan Abdullah berkata, sepasukan penguatkuasa yang melakukan pemantauan operasi Ops Lipan men-



KPDNHEP Selangor menahan seorang lelaki disyaki menyeleweng minyak diesel di sebuah stesen di Jalan Pandamaran, Klang.

dapati diesel itu cuba diseleweng dengan mengisinya ke dalam tangki simpanan lori itu.

"Pasukan KPDNHEP kemudian menahan pemandu lori berusia 50-an itu untuk siasatan lanjut.

"Turut disiasat pengurus stesen minyak dan syarikat pemborong minyak yang tertera pada pintu lori tangki ditahan.

"Sitaan dibuat terhadap lori, bahan diesel, resit belian dan dokumen berkai-

tan. Semuanya dianggarkan berjumlah RM8,500," katanya, semalam.

Katanya, inisiatif di bawah Op Lipan ini memfokuskan kepada pemantauan khusus di stesen minyak di sekitar Selangor.



Jual ayam melebihi harga siling

Harga ayam di pasar sekitar Pandan dan Larkin di Johor Bahru dijual mencecah RM10 sekilogram semalam berbanding harga siling ditetapkan kerajaan RM8.90 sekilogram. Tinjauan *BH* mendapati kebanyakan peniaga ayam menjualnya di antara RM9.50 dan RM10 iaitu antara 60 sen hingga RM1.10 sen lebih tinggi daripada harga dibenarkan kerajaan. **Nasional 17**

(Foto Farid Noh/ BH)

Harga ayam naik, stok berkurangan

Peniaga di Johor Bahru terpaksa jual RM10 sekilogram

Oleh Mohamed Farid Noh dan Aizat Sharif
bhnews@bh.com.my

Johor Bahru: Harga ayam segar di bandar raya ini naik kepada RM10 sekilogram bermula kelmarin, sekali gus dijual melebihi harga siling ditetapkan kerajaan iaitu RM8.90 sekilogram.

Tinjauan pasar basah utama di Pandan dan Larkin, di sini, mendapati kebanyakan penjual tidak mematuhi harga siling ditetapkan kerajaan dan menjualnya antara RM9.50 hingga RM10 sekilogram iaitu antara 60 sen hingga RM1.10 lebih tinggi.

Walaupun harga semakin mahal, pengguna dilihat berebut-rebut membeli kerana stok ayam segar yang dijual tidak banyak walaupun belum masuk waktu tengah hari.

Peniaga ayam, Hafizul Mohamad, 40, berkata peniaga semakin

tersepit kerana menerima bekalan pada harga tinggi iaitu RM8.60 sekilogram daripada pembekal.

Katanya, ia menyebabkan kebanyakan peniaga tidak dapat mematuhi harga siling ayam segar yang ditetapkan kerajaan.

"Peniaga menerima harga ayam segar RM8.60 sekilogram merangkumi kos pengangkutan RM1 setiap kilogram.

"Kami terpaksa membayar kos pengangkutan sejak kerajaan menguatkuasakan harga kawalan ayam 5 Februari lalu, sedangkan sebelum ini kami tidak dikenakan kos itu (pengangkutan).

"Bagaimana peniaga nak jual ayam segar RM8.90 sekilogram mengikut harga kawalan, sedangkan harga ayam sampai pun sudah RM8.60.

"Jika dulu setiap kali Ramadan peniaga dapat jual sehingga 500 ayam sehari, kini stok tidak mencukupi. Pembekal 'mencatu' bekalan kepada peniaga menyebabkan kami hanya menerima separuh daripada pesanan," katanya ketika ditemui, semalam.

Pengguna pula kecewa harga ayam yang mahal, selain stoknya berkurangan.

Penjawat awam, Fairuz Talib, 34, berkata beliau terkejut mendapati harga ayam segar naik men-

dadak kepada RM10 sekilogram.

"Saya sebenarnya dari Kuala Lumpur dan pulang ke kampung menyambut Ramadan. Di Kuala Lumpur harga ayam rasanya tidak pernah lebih RM9 sekilogram, jadi saya terkejut apabila beli ayam tadi (semalam) RM10," katanya kenaikan harga ayam ketika Ramadan amat tidak munasabah dan membebankan rakyat.

Pesara kerajaan, Manan Abd Hamid, 76, berkata stok ayam juga semakin berkurangan dan hampir habis ketika beliau sampai ke pasar kira-kira jam 12 tengah hari.

"Harga naik sehingga RM10 sekilogram sangat membebankan, apatah lagi ini makanan utama rakyat," katanya.

Pada 5 Februari lalu, Kementerian Perdagangan Dalam Negeri dan Hal Ehwal Pengguna (KPDNHEP) menetapkan harga siling runcit ayam standard RM8.90 sekilogram di Semenanjung.

Menterinya, Datuk Seri Alexander Nanta Linggi dilaporkan berkata, harga itu akan dikuatkuasa mulai 5 Februari sehingga 5 Jun depan iaitu selama 121 hari bagi menjamin kestabilan harga ayam dan makanan berkaitan harga mentah itu.

Di Arau, harga ayam mentah di Perlis naik 30 sen bermula



Harga ayam di Arau, Perlis naik 30 sen bermula kelmarin dijual RM8.90 hingga RM9.20 sekilogram. (Foto Aizat Sharif/BH)

kelmarin antara RM8.90 hingga RM9.20 sekilogram berikutan peningkatan kos harga barangan.

Peniaga ayam di Pasar Besar Arau, Ku Azri Mutalib, 37, berkata dia menjual ayam segar RM8.90 sekilogram dan mengakui terdapat pelbagai jenis harga ayam mentah yang dijual di pasar itu.

"Sebenarnya, ia (harga) bergantung kepada pembekal yang membekalkan stok ayam mentah kepada penjual dengan harga tertentu.

"Terdapat pelbagai kenaikan kos harga barangan ketika ini, jadi sudah tentu pembekal menjual stok ayam mentah pada harga tertentu dan kita sebagai penjual juga tidak boleh terus kekal dengan harga sebelum ini," katanya.

Seorang lagi peniaga ayam yang mahu dikenali sebagai Hussein, 30, berkata kenaikan harga itu adalah biasa dan bukan sengaja ditetapkan penjual.

"Pembekal membekalkan be-

kalan ayam mentah kepada saya dengan harga tinggi, jadi untuk mendapatkan semula modal jualan saya perlu menjual pada harga yang agak setimpal seperti ditetapkan pembekal," katanya.

Sementara itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) Perlis, Norazah Jaapar, berkata pihaknya mengakui berlaku peningkatan harga barangan mentah terutama ayam di negeri itu.

"Harga barangan mentah pada satu hingga dua hari Ramadan mengalami peningkatan dengan kenaikan seperti ayam mentah standard sebanyak 30 sen.

"Harga ayam mentah di Perlis ketika ini sudah pun melepasi Skim Harga Maksimum Keluarga Malaysia (SHMKM) yang ditetapkan kerajaan sejak awal tahun ini," katanya ketika ditemui melakukakan tinjauan harga barang makanan di Bazar Ramadan Persiaran Wawasan, Kangar.

Kenaikan sebanyak RM1.10, peniaga dakwa pembekal naikan caj penghantaran

Harga ayam 'cekik darah' RM10 sekilo

Oleh MOHAMAD FAIZAL HASHIM

JOHOR BAHRU – Pengguna di bandar raya ini terus terbeban selepas harga ayam standard naik RM1.10 menjadikan harga jualan melambung antara RM9.50 sehingga RM10 sekilogram.

Kenaikan itu dakwa peniaga berikutan tindakan pembekal yang menaikkan caj penghantaran iaitu RM1 bagi setiap sekilogram ayam berbanding 50 sen sebelum ini.

Peniaga, Hafizul Mohamad, 40, berkata, caj penghantaran yang dikenakan pembekal sangat tinggi iaitu RM1 sekilogram menjadikan jumlah yang perlu mereka bayar ialah RM8.60.

Katanya, langkah itu memaksa mereka untuk menaikkan harga jualan ayam standard kepada RM10 sekilogram iaitu RM1.10 lebih mahal banding harga runcit ditetapkan, RM8.90 sekilogram.

"Pembekal memang licik, mereka tidak melanggar harga borong ayam standard yang dibekalkan pada RM7.60 sekilogram sebaliknya mengenakan kos penghantaran sehingga RM1 bagi setiap sekilogram ayam."

"Ini menyebabkan harga yang kami terpaksa bayar adalah RM8.60 sekilogram, sudah tentu tidak boleh jual ikut harga ditetapkan (RM8.90), mahu tak



HAFIZUL menyusun ayam segar yang dijualnya dengan harga RM10 sekilogram di Pasar Awam S'mart Pandan, Johor Bahru, semalam.

mahu terpaksa jual RM10 sekilogram dengan mengambil kira kos lain," katanya semalam.

Mengulas lanjut, Hafizul memberitahu, kenaikan harga ayam segar itu turut menyebabkan

bekalan bahan mentah tersebut sukar diperolehi dan dia hanya menerima 200 ekor sahaja.

"Kebiasaannya, saya tempah 500 ekor ayam segar setiap hari, tetapi hari ini dapat 200 sahaja dan saya terpaksa hadkan jualan, seorang pelanggan hanya boleh beli lima ekor sahaja."

"Permintaan ketika ini sangat tinggi, kira-kira pukul 12 tengah hari semua ayam segar ini habis dijual. Harap pihak kerajaan dapat mengambil tindakan sewajarnya berkenaan kenaikan harga dan kekurangan bekalan ayam segar ini," tambahnya.

Menurut seorang pelanggan, Fairus Talib, 34, dia terkejut melihat harga ayam standard melambung sehingga RM10 sekilogram dan menyifatkan ia sangat membebankan pengguna.

"Kenaikan harga ayam ketika Ramadan ini amat tidak munasabah dan membebankan masyarakat Islam umumnya, tiada pilihan lain selain perlu membayar harga 'cekik darah' ini," ujarnya.

Bagi pesara kerajaan, Manan Abd Hamid, 76, bekalan ayam segar itu hampir habis ketika tiba ke pasar berkenaan kira-kira 12 tengah hari dan harganya cukup tinggi.

"Jika dahulu, harga tidak sampai RM9 tetapi kini mencecah RM10 sekilogram. Apa nak buat, terpaksa beli kerana cucu suka makan ayam," ujar.



People buying chicken at a market in Johor Baru yesterday. PIC BY MOHAMED FARID NOH

my village for an early Ramadan holiday.

"In Kuala Lumpur, the price of chicken never reached more than RM9 per kg, so I was quite shocked when I bought a chicken at RM10 per kg.

"The sudden increase in the price of chicken during Ramadan is very unreasonable and is a burden on the ordinary people.

"Why is there a high price dur-

ing Ramadan when chicken is a major food item for Muslims?"

Government pensioner Manan Abd Hamid, 76, said the supply of chicken at markets he frequented was nearly depleted by noon.

"Traders claimed suppliers gave them chicken in small quantities and were expensive, forcing them to increase the price.

"The RM10 price is very burdensome."

Langgar ketetapan harga siling ayam

Johor Bahru: Harga ayam segar di bandar raya ini naik kepada RM10 sekilogram bermula semalam, sekaligus dijual melebihi harga siling ditetapkan kerajaan iaitu RM8.90 sekilogram.

Tinjauan pasar basah utama di Pandan dan Larkin di sini, semalam mendapati kebanyakan penjual tidak mematuhi

harga siling ditetapkan kerajaan dan menjualnya antara RM9.50 hingga RM10 iaitu antara 60 sen hingga RM1.10 sen lebih tinggi.

Walaupun harga ayam mahal, pengguna dilihat berebut membeli bahan makanan itu berikutan stok ayam segar tidak banyak walaupun belum sampai waktu tengah hari.

Peniaga ayam, Hafizul Mohamad, 40, berkata, peniaga bahan mentah itu kini tersepit, berikutan menerima ayam segar pada harga RM8.60 sekilogram daripada pembekal.

Katanya, ia menyebabkan kebanyakan peniaga di bandar raya ini tidak dapat mematuhi harga siling ayam segar ditetapkan kerajaan.

"Peniaga menerima harga ayam segar RM8.60 sekilogram yang merangkumi kos pengangkutan sebanyak RM1 setiap kilogram. Peniaga membayar kos pengangkutan sejak kerajaan menguatkuasakan harga kawalan ayam, sedangkan sebelum ini kami tidak dikenakan kos pengangkutan," katanya.

Harga berlainan ikut kos pembekal

Arau: Berlaku sedikit peningkatan harga ayam di Perlis sebaik bermulanya Ramadan pada kelmarin.

Tinjauan di Pasar Besar Arau dan gerai jualan ayam persendirian di Mata Ayer, Kangar mendapati harga ayam standard di negeri itu dijual sekitar RM8.90 hingga RM9.40 sekilogram.

Terdapat pelbagai variasi harga yang dijual oleh penjual ayam berdasarkan pembekal yang berlainan dalam membekalkan ayam ini kepada mereka untuk dijual.

Seorang peniaga, Ku Azri Mutalib, 37, berkata, dia menjual ayam segar dengan harga RM8.90 dan dia akui bahawa terdapat pelbagai variasi harga ayam mentah yang dijual di Pasar Besar Arau itu.

"Sebenarnya, ia bergantung kepada pembekal masing-masing yang membekalkan stok ayam mentah kepada penjual di sini dengan harga tertentu.

"Seperti yang kita ketahui, pelbagai kenaikan kos harga barang berlaku pada waktu ini jadi sudah tentulah pembekal akan menjual stok ayam mentah ini dengan harga tertentu dan kita sebagai penjual juga tidak boleh terus kekal dengan harga sebelum ini kerana ia hanya akan menyebabkan kita terus rugi," katanya ketika ditemui di Pasar Besar Arau di sini, semalam.

Menurutnya, sebelum ini pernah terjadi harga ayam mentah mencecah hingga RM12 bagi sekilogram.

Bagi seorang penjual ayam mentah persendirian yang dikenali sebagai Hussein, 30, kenaikan itu adalah biasa dan bukanlah sesuatu yang sengaja ditetapkan oleh penjual.

"Pembekal yang mem-



Sebenarnya, ia bergantung kepada pembekal masing-masing yang membekalkan stok ayam"

Ku Azri

bekalkan bekalan ayam mentah ini kepada saya dengan harga yang tinggi jadi untuk mendapatkan semula modal jualan saya perlulah menjual dengan harga yang agak setimpal seperti yang ditetapkan pembekal.

"Setakat ini, harga yang dijual adalah sekitar RM8.90 hingga RM9.40 dan harga ini tidak tetap dan berubah setiap masa bergantung kepada pembekal," katanya.

Sementara itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) Perlis Norazah Jaapar berkata, pihaknya mengakui berlakunya peningkatan harga barang mentah terutama ayam di Perlis.

"Harga barang mentah pada satu hingga dua hari pada Ramadan ini berlaku peningkatan dengan kenaikan seperti ayam mentah standard didapati naik sebanyak 30 sen.

"Sebelum ini terutama sebelum Ramadan, harga ayam dijual sekitar RM8.90 namun ia mengalami peningkatan harga menjadikannya dijual pada harga RM9.20 sekilogram memandangkan peniaga juga ada memaklumkan pada kita terdapat peningkatan kos pada harga modal bekalan ayam mentah berkenaan dan ia tidak boleh dielakkan," katanya.

Peniaga terpaksa naikkan harga ayam bakar RM2

KANGAR: Kenaikan harga ayam mentah dan barang keperluan mendorong peniaga ayam bakar di bazar Ramadan menaikkan harga jualan bagi mengelak menanggung kerugian.

Peniaga ayam bakar madu, Izatul Nordin, 51, berkata, harga ayam bakar terpaksa dinaikkan RM2 kepada RM22 seekor berbanding RM20 tahun lalu.

Dia tidak ada pilihan terpaksa berbuat demikian kerana kos bahan mentah sudah meningkat dan bimbang tidak balik modal jika mengekalkan harga lama.

"Saya mendapatkan ayam pada harga RM9 sekilogram daripada pembekal berbanding RM7.90 sekilogram tahun lalu. Selain itu, bahan-bahan rempah ratus menyediakan ayam bakar juga naik termasuk arang yang meningkat RM1 kepada RM6.50 sepaket.

"Tahun lepas pun harga ayam naik semasa Ramadan, namun saya memilih untuk mengekalkan harga.

"Tahun ini, harga terus meningkat dan kami sudah tidak ada pilihan selain menaikkan harga juga," katanya ketika ditemui di Bazar Ramadan Kangar di Persiaran Wawasan di sini semalam.

Sementara itu, Pengarah Pejabat Perdagangan Dalam Negeri dan Hal Ehwal Pengguna (PPDNHEP) Perlis, Norazah Jaapar yang mengadakan tinjauan dan advokasi harga di bazar itu berkata, terdapat peningkatan harga ayam segar di negeri ini beberapa hari sebelum Ramadan iaitu naik 30 sen kepada RM9.20 sekilogram.

Katanya, peniaga memaklumkan ada peningkatan kos daripada pembekal yang menyebabkan mereka terpaksa menaikkan harga tersebut.

"Kami telah memaklumkan kepada pihak kementerian jika sebarang tindakan akan diambil kerana sudah melepasi harga maksimum iaitu RM8.90."

"Manakala, bahan mentah yang lain didapati stabil, cuma ada peningkatan harga pada cili merah iaitu naik RM2 kepada RM17 sekilogram," jelasnya.

Oleh Meor Riduwan
Meor Ahmad
am@hmetro.com.my

Melaka

Terdapat beratus hotel namun hanya 14 hotel di negeri ini mendapat Sijil Pengesahan Halal Malaysia setakat ini dan dibenarkan mempromosi 'bufet Ramadan'.

Pengarah Jabatan Agama Islam Melaka (Jaim) Datuk Che Sukri Che Mat berkata, angka itu berdasarkan semakan pada 30 Mac lalu yang mendapati sijil pengesahan halal 14 hotel itu masih sah antara tempoh Mei ini sehingga Januari 2024.

Menurutnya, hotel atau premis makanan tiada sijil halal dilarang mengiklankan bufet sempena Ramadan dengan perkataan yang boleh memperdayakan umat Islam sama ada menggunakan risalah bercetak, poster, kain rentang, papan iklan dan di media cetak mahupun secara dalam talian.

"Ia termasuk promosi de-

14 dapat izin

Bilangan hotel dibenar buat promosi 'bufet Ramadan' selepas dapat sijil halal di Melaka



Hotel yang lain bukan tidak halal (menyajikan makanan halal), cuma belum mendapat pensijilan halal"

Che Sukri Che Mat

ngan menggunakan frasa seperti 'Bufet Ramadan', 'Iftar Ramadan', 'Jom Iftar', 'Citarasa Ramadan', 'Selera Ramadan' dan 'Jom Berbuka' atau mana-mana frasa yang merujuk kepada makanan yang boleh dimakan orang Islam," katanya selepas mengetuai operasi Op Plastik Hitam Bersendawa di sini, semalam.

Operasi hampir dua jam itu disertai 10 anggota penguat kuasa serta Ketua Pengawai Penguat kuasa Agama Negeri Melaka, Akmal Nadzim Abdullah.

Mengulas lanjut, Che Sukri berkata, pihak hotel digalakkan mendapatkan pensijilan halal namun ia tidak diwajibkan.

Katanya, 14 hotel yang mempunyai sijil halal itu adalah Ames Hotel, Amverton Heritage Resort, Bayou Lagoon Park Resort, Bayview Hotel Melaka, Hatten Hotel, Hotel Pantai Puteri dan Hotel Sentral Melaka.

"Selain itu Hotel Sentral Riverview, IBIS Hotel, Kings Green Hotel, LaCrista Hotel Melaka, Mudzaffar Hotel, Rosa Hotel dan The Straits Hotel & Suits.

"Hotel yang lain bukan ti-

dak halal (menyajikan makanan halal), cuma belum mendapat pensijilan halal," katanya.

Beliau berkata, bagi melindungi kepentingan umat Islam, pihaknya akan bekerjasama dengan Kementerian Perdagangan Dalam Negeri dan Hal Ehwal Pengguna (KPDNHEP) bagi mengadakan pemeriksaan dan pemantauan di hotel yang menawarkan bufet Ramadan.

Che Sukri berkata, premis atau hotel yang tidak memiliki pensijilan halal yang sah daripada Jabatan Kemajuan Islam Malaysia (Jakim) boleh dikenakan tindakan mengikut Perintah Perintah Dagangan (Perakuan dan Penandaan Halal) 2011 dan Akta Perihal Dagangan (APD 2011).